

# ARREST

de la Cour des Grands  
Iours de Poictiers.

POVR LA REDDITION DES COMP-  
tes du reuenu des Fabriques, & administration du  
bien d'icelles, & saisie du temporel de quelques  
Benefices du Diocèze de Luçon, faute du serui-  
ce Diuin, ornemens, reparations & exhibition de  
titres par ceux qui en sont pourueus.



A POICTIERS,  
P. L' ABRAHAM MOVNIN, Imprimeur Ordinaire  
de la Cour des Grands Iours,  
M. DC. XXXV.

---

*Avec Privilège du Roy.*





O V I S par la grace de  
Dieu Roy de France & de  
Nauarre : A nos Senef-  
chaux de Poictou, Ciuray  
& Fontenay ou leurs Lieū-  
tenans Generaux, & par-  
ticuliers premier des Conseillers des-  
dits Sieges sur ce requis, Salut : Comme ce  
jour d'huy, veu par nostre Cour des Grands  
Iours sceant à Poictiers, les procès verbaux  
des six, sept, huiet, neuf, dix, vnze, douze &  
treize Nouembre mil six cens trente quatre,  
faits en execution des Arrests des vingt-  
deuxiesme Septembre & vingt & vniesme  
Octobre audit an par nostre amé Conseil-  
ler & Secretaire de nous Maison & couron-  
ne de France, & l'un des quatre Nottaires  
& Secretaires de nostre Cour de Parlement,  
Me. René Radigues & Me. Henry Admi-  
raut chanoine & Archidiaque d'Aizenay en  
l'Eglise cathedrale de Luçon deputé par l'E-  
uesque & depputez du clergé dudit Luçon  
des Eglises de S. Philbert de Beauvoir sur  
Mer, Ministre des Mathurins & conuent  
des Iacobins dudit lieu Nostre Dame & S.

de Monts chapelles de Pont de Vie , & de la grande Trinité Abbaye de Drøüs dépendât de l'Abbaye Blanche de Noiomoustier , S. Geruais Abbaye de L'alende despendente de Fronteuaut , Sallartaine de la garnache , S. Reuerend de chalon , S. Gilles sur Vie , saint Julgēt Châtonnay & Mouilleron en Parois, ensemble les cures, prieurés & chappelles desdits lieux auxquels procès verbaux sont inserés , les plaintes des Prieurs, Curés & Habitans desdites Parroisses, lesdits Arrests, conclusions de nostre procureur General , tout considéré : **NOSTRE DITE COVR** à ordonné & ordonne que les Fabriqueurs de toutes les parroisses du Dioceze de Lusion qui n'ont rendu compte depuis vingt ans , rendront iceux dans vn mois apres la dite publication du present Arrest faicte au profne des grandes Messes celebrées à iour de Dimanche esdites parroisses pardeuant les Curés , Vicaires & principaux Habitans d'icelles ou les Archidiacres faisant leur visites suivant l'ordonnance le tout sans aucuns frais , autrement & à faute de ce faire dans ledit temps, & iceluy passé lesdits Mar-

guilliers y seront cōtraints par saisie de leurs biens, mesmes par corps en vertu du present Arrest, auquel comptes les rendans ne pourront coucher en despence à l'aduenir, aucuns deniers employez à autres vsages que pour achapts d'ornemens, linges, reparations desdittes Eglises, maisons & domaines desdites fabriques, le reliqua si aucuns y a employée vtillement au proffit d'icelle fabrice qu'à l'aduenir les Fabriqueurs ne pourront estre esleus pour plus long temps que de deux ans apres lequel sera procedé à nouvelle eslection en la maniere accoustumée, lesquels nouueaux Fabriqueurs seront tenus incontinant apres leur Election faire rendre compte au precedens à peyne d'en respondre en leurs noms, pourront les Habitans de la parroisse de Nostre Dame de Monts, poursuiure l'execution de la Sentence des Presidiaux de poictiers, à l'encôte des mards de fournir à ladite Eglise vne chappelle de Velours suiuant & conformément à ladicte sentence, que le reuenue des Prieurés, chapeilles & Abbayes de pont de Vie, la grande Trinité, la Garnache, saint gilles sur Vie,

S. Fulgent, Chantonay & Abbaye de Droës  
 seront saisis à la requeste de nostre procureur general, & Commissaires y establis iusques à ce que les titulaires ayent apporté les titres, fourny d'ornemens pour la celebration du service Diuin : fait faire iceluy, ensemble les reparations necessaires à faire en iceux, que la saisie faite de l'ordonnance desdits Commissaires sur l'Abbaye de Lalande tiendra iusques à ce que l'Abesse de Fronteruaut ayt satisfait aux causes d'icelle, & faisant droit sur la plainte des curez dudit Beauvoir, prieur du conuent des Iacobins dudit lieu, curez de la garnache, S. Reuerand, saint Fulgent & Chantonay, que commission de nostre cour leur sera deliurer pour y faire assigner qui bon leur semblera aux fins de leursdictes plaintes, mesmes faire informer du contenu en icelles; Si vous mandons à la requeste de nostre procureur general, mettre ce premier Arrest de nostre dicte cour, à deue & entiere execution de point en point selon la forme & teneur : Mandons outre au premier nostre Huissier ou Sergent, faire pour la

7

dite execution tous exploicts, signification  
 & saisies necessaires, de ce faire vous don-  
 nons & à toy Sergent pouvoir : Mandant  
 & commandement à tous nos Iusticiers,  
 Officiers & Subiects, qu'à toy ce faisant soit  
 obey : Donné à Poictiers en nostre Cour  
 des Grands Iours, le cinquiesme Ianuier,  
 l'an de grace mil six cens trente-cinq, & de  
 nostre regne le vingt-cinq.

*Collationné à l'Original par moy Conseiller & Secre-  
 taire du Roy & de sa Cour de Parlemem.*

Par la Cour des Grands Iours.  
 Signé, RADIGVES.

